

Nós pūr Gostin, spari èl inch da kēl' òra,
Odū mai plū n'èl sté da val persona
Da degūna sazon, nó tért nó adòra.
Revē sūn ki dlacions èl tē na ria ona;
Kē sūa anima sī iló t' ki crēp bandida,
702 S'ó tó a di dē Colfōsc la gēnt saorida.

Na man plū tért ciafé an sūn kēla dlacia
Pūc dó kesta desgrazia sozedūda;
Mò can kē l tēmp sūn ki crepons dlone tacia
E dūt va iló ad in fūm da gran nevūda,
Can kē dūt gonfedēia e sōfla con rabia
708 E kē sta gian a chiaşa inch la gēnt sabia:

Vēghen datrai n bēl pér, kē róda e salta
Fóra per ki dlacions e gran pizades,
Fóra per kēla nēi gonfedada alta,
Fagean gonót dē dēr bēles slitades:
Èi bala con gran şelo la Forlana,
714 Èi la bala con fūria veneziana.

II. L Signal.

Aldís iló a mēşa noet kēl stlinghinamēt
Jū sòt Corvára jūn ki Plans dlongia rù?
Èl è l Bracon asasinè con tradimēt
4 Da kēl da Còz, l plū gran lotron dlone temū.

Odès sūn chiaval blanc cavalīr sporoman
Travērs i Plans e sūra l'èga ía dē sbonf?
Francēsc dē Brac va dlon kirian tē kēl bēl plan
8 Só gran nemic per gran vendēta e gran trionf.

Chiarèdē iló dòl cavalīrz dē fōsc vestis,
Tē la lūm dē la lūna tlér sdlominan!

L brao Bracon èl e kël rī Còz, da lonè aldis
12 Gean a sporom per ki Plans dlon sè batan.

Aldís tel kīt dë la doman kël son bèl tlér,
Kë fëz düt chiez k'è mórt bèl plan resori?
L „Angelus“ èl, kë despartës l dūr fër dal fër,
16 Fagean tra ki dë Còz e Brac la pëz n dí.

III. La Pillicia.

T'a san Chiasan, lùc dër salvar, mò zënza bèl,
Èl gnùt zacan, pasé sarál bëgn cënt an',
Na búrta vèdla düt corida dë na pël;
4 L planët iló tē m'ála līt a cotan'.

Vèdla fò kēla dër scicada dan da düt';
Kël k'ā da gni, traodóla con oedl segù,
I tēmp stomāla danfóra, frëit', chialt', mói, sùt',
8 Gonót, š'an i ès stimè, èssen gran mal sconù.

Per mata la tegnī té rī pici mitons,
Saltava dó per kēles strades dlon scraian:
„Pillicia búrta, t'ès na stria, spedré t'orons!“
12 Dó té paróles givi spó dlon sciampan.

Púra mēda, a degün' nē fageóla dë mal,
Gonót del bëgn, olá e can k'ēla podó;
Mò š'ēla coió sù tē strada n ran sēc o val,
16 N'el atira kē cospetā e t'i scraiā dó.

La vèdla profetësa amava l nümer trëi:
„Trëi léc' gnarál col tēmp“, digeóla, „in Badia,
Ótes trëi modará per kēs la val só pëi.“
20 Dòi léc' èl sté, del téz n'án chiamó odù nia.

„A fa l stradon porvé porvarán òtes trëi“,
Digeóla chi gonót, „mò mai nē roarán“.
L stradon, digi, k' è fat şegn, el sará chi vëi,
24 Mò trëi stradons saori fat èssen intan.

Da odëi spó sta chiamó del laür la perfezion;
Sovënz tlamen kël laür revè e düt feni,
Kë sē desmòstra dó èster óra den lotron,
28 Fata zënza cervèl, an nē sá perchi.

La púra vèdla, gnúda a arlérc dad inşaulá,
A arbandoné n bèl dí ki da san Chiaşan;
Geúda sē n'èla indó, degün' olá nē sá,
32 Na pért mina, k'èla áiě cri sù val salvan.

IV. Per na Maròra.

Gonót l'inòm dē Fáles alden prononzian,
Dē këla bèla mont plēna dē sasons,
Rica dē crëp, k'an vèga dlonc al cìl revan;
4 T'a mèz bī cói vërt', bon past per i manşons.

Nia lonč da olá k'ël è na pran chiažara şegn
Fól n taiapères e bèl dlongia n moriná;
Tra d'ëi s'oróvi bon, sē viginava bëgn
8 Scèc dòl galùč cofá sù n pič poriná.

Mò contentëza, dī nē durla sùn keş mon;
Scèkë sorëdl da inrè dá n dí düt intir,
Zënza k'an vèghë níores o aldë splondran l ton,
12 Dúra chi púc la fortûna e l tēmp leşir.

Ki dòl vigins, tramidòi s'évi inamorá
— Trápola fóva këla del bür malan —
Tē na té ria Maròra, fia den carigá,
16 Per vič gonót cospetada dal plován.

Per këla spiza n sën tremèndo s'ái ciałé;
Zedë në n'ó degùn, vignùn l'oró avëi;
Tan ál foré l malan, k'ëi s'ó na noet copé,
20 Dút ái bèl ingigné per la feni tra ëi.

Mò kël bel Dī, dë ki dòl mat' ál compasion,
Perchi k'ëi fóva zënza dagnóra pròš;
K'ël è chi masa dan, vèghel, e nèt nia bon,
24 K'ëi sě daně per ria stria dai chiałëis ròš.

A san Giorgio per kël á comané l bon Dī
Dë sporomé dal cīl jū in Fanes bèl snèl
E dë sfënë in gran tóć, zënza pešimè dī,
28 L crepon sūra i rivai con còlp nó morjèl.

San Giorgio stima gian, ël stima sùl momènt;
Kël kě diš kël bel Dī, sará bëgn bëgn fat,
Pënsel e sporomëia dal cīl tan snèl kě l vënt;
32 Jū vëgn nóš Sant devérs Fanes per l bèl at.

Gran' òra fól, kě san Giorgio gnis e revès;
La bëga fó impiantada tra i dòl rivai
Con gran' cortī e con chièz kě vignùn snèl ciałës;
36 Abraciá fói, balan insci dër bür bai.

Tě këla sfënë kël crëp nóš Sant con bráo còlp;
L tóć dë sūra è resté iló olá kě denant,
Albérc kiri d'invér gonót da tas ed òlp;
40 Mò l tóć dë sòt, kël è, dal Sant spënt, gnú inant.

L crëp tòma con šěšūr e gran gracenamënt,
Crepé in mil tóć, e cūr sòt itě i rivai,
Con ëi l morin, lapró chi l'ater chiašamënt;
44 Ki dòl sgraziá, finida šëgn la véra ái.

Mò tramidòi è chiamó sòt itě iló bī vis;
I bót' sùrt' del scarpèl e l vérs del morin

Aldís iló recòrda d'i dòì òmi i bī dīs,
48 Mò chi l tormènt sòt ki crepons zënza fin.

Feni sará. inscí conten, dùt kël búr tormènt,
Šě valgùn' zënza tēma da mēša noet
Véga tē kēla fósá l'iad' con ardimènt
52 E preferēš i gran' strabač a bon lèt.

V. Ai Ladins.

Oh, pròš Ladins, d' óš bèl lingaz tignidě cont!
Tignidě cont plú kě podès del tešór,
K'è plú prezitš dē troep kě dùt l lúč da Sompont,
4 Chi plú kě kël kě rēgna l mon, argēnt e ór!

Oh, bon' Ladins, d' óš bèl lingaz chiarèdē bēgn,
K'ès da óstes bones, pròses òmes arpé!
D'èster n lotron e zënza cūr mē da búr sēgn
8 Ki dē si òma l lingaz nē sá respeté.

Pūri Ladins, d' óš bèl lingaz festidě aèdē!
Con kël ves á les pūres òmes a priè
A kël bel Dī insignè; mai nel desmentidě,
12 Šě nó podès chi Dī d'òs sē desmentidě!

Bravi Ladins, stimèdē l lingaz granmēnter,
Arpé da ki Latins, pópol tan stodiè,
Bēgn arlevé, potènt trēs da vèdlamēnter,
16 Tē vigni véra aošē dlonc a davagnè!

Paziènt' Ladins, l lingaz ladin, d'onòr gran dēgn,
Dan dal dùt insignèdē a úš pici mitons!
Dē tegni cont dē nòš lingaz tòkela šēgn
20 E dē sē stravardé dai gran' chiacolons.

Rajonèdë, šë sës dë plù in adum, ladin!
Vigni ater lingaz lascen a can k'an mës;
Tan k'i sá, rajonava i Latins tra ëi latin,
24 K'an daië chi spó ai Ladins dút kël k'an dé i dës!

Ed òs, dë l'arpejonga dë Cristo guardian',
Òs, k'arès n dí da dé dë kësra gran cont,
Chiarèdë chi dë l'arpejonga d'i Roman',
28 Šë nó mē tēmi, k'òš dovèr nē sī arjont!

VI. La Fedeltè.

Bon oróva Tarézia al pròs Vighil da mat',
A degún' zënza noet e dí nē pensāla;
Da fa spavënt per kës fóva sù vič ed at',
4 K'ëla fageóva n dí pró d'ël dlongia stala.

Capí n'oróla d'èster só Vighil soldá
E dút kës per na té ria númera basa;
Dë kës fageóla n baodiamënt tremèndo ia e ca,
8 Kë dút' digeóva iló, kē té stragi è masa.

„Mi bon Vighil, mi cūr“, digeóla dlón pítan,
„Mi dút, mia vita, mi sòl pensir dagnóra,
Šë tù ten vas, k'i n' aldë plù túa úž rajonan,
12 Mē tēmi dër, k'ël sī per mé l'última òra.

Vighil conēs só gran dovèr e tól comiè;
Ingiért val, gian nē va degún' tē cašérma;
Kë só cūr i crepès, i paról dal pitè,
16 Kë fageóva ëla a odëi, k'ël gī sòt a l'érma.

La vita da soldá fóva segù ria asá:
Fa ešerzizi, salté dë vigni vérs, sù e jù,
Lapró da caporái gròì e rī trës blastemá,
20 Spó nia tē gófa, can k'i dēnz ès gian mordù.

Mò l bon Vighil patì dūt' kiš strabač dër gian:
Dë gran confort les lètres i ë dë sũa bèla,
Scrites col sanc del cùr ad ël, só bon crestian,
24 Plënes dë füc, d'amòr dë la poverèla.

Dó an' ed an' finalmënter së rüva i strabač;
Del rī serviz la fin vëgn dešiderada;
Lascé pó šëgn Vighil cašërma e i bür palač
28 E gi sen pól a chiaša, la bëgn amada.

La strada, oh, tan saorida t'i savóla šëgn!
Cënt òtes plü d'orèla cürta e morjèla,
Kë can k'ël dó ël lasciä dūt, s'amòr e só bëgn,
32 Só bèl tešór con dūta sũa parentèla.

K'ël vëgn, degün' nel sá, degün' nel dës savëi;
Inaspeté revè ól, kë sī la ligrëza
Plü grana e chi plü bèl l gran momënt dë s'odëi;
36 A keš bèl momënt pënsel con contentëza.

Oh, l bèl soldá, có k'ël së spaza dë revè!
Gran prëscia ál d'abracé sũa bona crestiana,
Ezémpio a dūt' dë castitè, dë fedeltè,
40 Dë dūtes les terzianes la plü terziana.

La chiaša šëgn da lonč vëghel, fata sũ n cól,
Bèla blanchia, da nũ defóra smaltada;
Gi var a var da dër soldá šëgn plü në pól,
44 Só iadë sfadiüs fenëš con na gran saltada.

Degün' në l'á odũ gnan sũ per stiga ten salt;
N sbalz a mèz pórt, spó spalankëiel l'uš dë bóta,
Vëga sũa mũa dlongia — n crestian mégher, alt!
48 Oh, pür Vighil, ël vëgn blanc scèkë na cóta!

„Oh, chiara,* diš Tarézia bèl snël, „ki k'ël è!
Vighil soldá! degün' šëgn në t'aspetava;

Mò bon bon kē t'ès gnūt! Kiló vèl dūt modè;
52 Kēs kiló aí tūt per òm, kē dūt' mel laldava.*

56 „Ah, insci? dūt' tel laldava?“ barbotā l soldá.
Dūt só chiè i sal, kē ródē e cigidēiē e šēnē;
N momēnt pēnsel, chi k'ēl tē kēs bošēgn dēs fa
56 E chi k'ēl fōs, k'a kēla podēs plū incēnē.

Mò ma n momēnt dorā pró Vighil ki pensīrz;
Ēl sá l castic, kē tòca a persóna tala.
„Credēdē dūt' mi aogūri dē nóza senzīrz!
60 Mò la chiaša aí falé, ēl n'è soēnz kē sē fala.“

Ater nē digel. Gi sen val col chiè bèl bas,
Bēgn pūr dē cūr, mò ric gnūt dē gran speriēnza:
Dē bisca falzitē conēscel, cūr dē sas,
64 La crodeltē den chiè zēnza inteliģiēnza.

VII. N Salūt a Púz.

I ves salūdē, mi bī crēp dē Púz dēr alt'!
I ves salūdē dūtes, gran pizades,
Plū dērtes kē bī chiampanís, spizes scèc tlat'!
4 N salūt chi ad òs, fezūres dlonec sērades!

N salūt a ti, mi gran bèl plan del bèl Chiampēi!
Mil diolans, oh bèl léc, per la ligrēza,
Renovada vign'òta, k'i podó t'odēi
8 E fa dē bèles òres con sveltēza!

A ti, oh bèla fontana, mil ringraziamēnt'!
Mil diolans dē tūa gran scinconda d'ēga,
Kē resorí i stanc' fēz dūt ligri e dūt contēnt',
12 Miù dē zúker kē cól dēr golūs dlēga.

Èles sě n'è les òres, pasades gonót
Dlongia té sùn kěl bèl banc o sù l'érba;
Col stlóp vagān datrai per l bèl rendení n bót,
16 Mai per copé chiamürě da na gran bérba.

I tě salüdě, bèl Cól da La Soné dit!
Děr gian dē keš inòm la gáoža aldissi.
Perchi as trės e trės l'oedl vėrs Crespēna fit?
20 Šě t'as val pósta, gian tě socodissi.

Chi a ti n salūt, n salūt děr bèl, dē mil cói l ré!
I tě salüdě, Cól dē Montigèla!
Òtes bėgn plū dē cěnt sùn tó bèl chiē aí pesté,
24 Sùn té vign'òta m'ai paré ía la orèla.

A děr pūchia fadia das tú n děr bèl paiaměnt;
Tó cūr déores, cól ric, a la gran sciěnza;
L'oedl, d'oděi la natūra coriūs, dūt contěnt
28 Vėga iló del bon Dī la gran prešěnza.

N salūt a ti, Rokėta, la val dē les valz!
Vėrgin ės tú, dē bėles flūs corida,
Vėrgin tra vėdli griš, dūt vėrgin zěnza falz,
32 Per dūt' ki k'iló rúa ostira saorida.

N salūt a ti šėgn, bèla Piza dē la mont!
A ti kiló n' inkin fėgi, regina;
Běl piz, gonót da ria saíta toké ed arjont,
36 Dan té plėgn dē maěstě vignún s'inkina.

Dē té, regina, fėz i snī chiamürě mantěl;
Tú t'ès per ěi dē dūt refúgio la òma;
Čěr té ía vai dlon saltan da burt tan kě da bèl,
40 Seguš sě vėghi iló, mai n'èl kě tòma.

Tú, oh bèla Piza, adóres dē Dī la maěstě,
La pruma tra les pizes indorada.

Tù la última dē Dī potënt la santitè
44 Salüdes cōn inkin in gran parada.

Sün té piëga cōn devozion l devót l jonëdl
Ed adóra del bon Dī la presënza,
Can kē dūt cant sdlomina, indoré da sorëdl,
48 Criè per nōs bëgn da la gran Providënza.

N salût a ti, bèl léc dūt brum, plëgn dē secrët',
Tù, la plù bèla flū in dūta Crespëna!
Con té rajona gian e dër gonót socrët',
52 Tormentá da festidë e da gran pëna.

N salût a ti, dē dūt Püz la gran bèla mont!
Mil diolans e mil grazies a ti digi;
In mèz a té ái dē bon' pensîrz la còhn arjont,
56 In té dē Dī la gran potënza ligi.

In mèz a tūs pizades e tū bī lastons
Vigni rī e bür pensîr in mé á dé bando;
Mont plù santa kē mil santes amonizions,
60 In té n'á lére chièz k'è dē contrabando!

N'últim salût chiamó, oh dē Püz la bèla mont!
Da té mēsi, scèc müt kē mēs da si òma;
Fezúra sarál prës tra mé e té zënza pont,
64 Scèc ël n'è pont mai nó tra Ròma e Ròma.

VIII. L Salvan dē Frára.

Conté ves mēsi şëgn dē Frara, la gran mont,
Kē fëz confin tra l bèl Colfosc e Gherdëna;
Gonót á iló val pür pasant la mórt arjont,
Segù n'ël sté d'i desgraziá na deşëna,
Kē l'a mesada zedë a bür gonfedamënt,
6 A gran nevéra, a gran tempësta ed a bür vënt.

Sùn kēla mont, corida dlone dē bī gran' pra,
Menā n salvan zacan vita salvergina;
Con chiaşa o mażon n'avel gonót val da fa.
Mangiè mangiāl raíš, érbes, chi val talpina:
Dad alton spó fageóva bròdi só mangiè,
12 Gonót ciaognavel chi reżina con largiè.

D'istè da bon chialdin stével olá kē mai;
Şegn sùn Piz Colač sūra Plan l'incontáven,
Olá k'è zēnza gian i bòs ed i chiavai;
Sùn Mēşores gonót chi ciafé l ciafáven,
Mò l plú gian stēl zēnz'ater sùn ki Bùş da Cīr;
18 Iló sòt ki bī lēgns i parōl salf leşīr.

Mindechè sù da i Pič sù l vèghen spaziran,
Cò k'ēl còi ciuf, bronşins, édelwais, flus ghéles,
K'ēl pórtá tē la man contēt e dlon snaşan;
— Sùl chiapèl sbordoné chi dēr bēgn t'i stēles ---;
Gonót spó traoşan l vèghen pré da Lagoscèl
24 O l pré dlongia, dal blòt palù dūt cant morjèl.

L plú bèl i parōl l tēmp dē gi a mont, l bèl istè,
Can kē dūta la mont dē gēnt fò dlone plēna,
Dē setùs con chiapī sfolá, sbogeá sùl chiè,
Dē tiradumz plú mates d'ēs kē somēna,
Dē sciòri kē va incērc trēs per divertimēt
30 E k'è per cēr persónes soēnz dē gran tormēt.

Èl n'é pa spó nia ognért con gēnt, nòş pūr salvan;
Bonač fóvel, daidā laoré a ki k'oróva;
A siè, èl vèi, s'astilavel plú tós da talian,
Mò dal restlé fageóvel kēl k'ēl podóva;
L plú gian daidal les tiradumz cēr i bagót',
36 Chi a olté fēgn bēgn sēc sē lasciāl itē a bót'!

Les fancèles, gonót l'áveles per só mat,
L fageóva gi per èga con val pazēda

O i comanā a stracé ad arlére val gran ciite frat,
— Pró la lēgna èl, dùt' sá, chi l frat kē compēda —;
Pró coginē daidāl tizè o chi mosciodé,
42 Šē la fancēla ā sūra fūc žūfa o scarté.

Nós pūr salvan, l plū ria l'avel tan l būr invér,
Can kē dùt gī ad in fūm tē kēles nevéres.
A tegni l tēmp dē Frara mēs èster dē fér
Ki kē n'ó paie sborades soēnz masa chiéres.
Dē refūgio i servī spó stales e tablá,
48 Mò datrai fól tel tēmp masa dad incērā.

Gonót can kē l tēmp fóva d'invér plū kē mat
E kē l gonfedé, l frēit, l nevēi n'ā finada,
E l gran būr vēnt soflava tra mēz scēc rī giat,
Toróva chi nós bon salvan n'atra strada,
Sfolava i gonf jū per ki cói dùt' bī valis,
54 Revan jū a Rūn sū insom Colfōsc con gran fadis.

La patrona iló priavel del lascé scialdé;
Per ater a nē fa nia chi iló nē stével;
Scialdé k'ēl s'ā, daidāl o sī pró frogoré
O pró i mitons; gonót tē mažon inch ével,
Del piē e gran bestiam dēr bon ožoradū
60 E cēr fēgn o cēr stran bon fant e servidū.

Mò dī nē stēl per ater pró chiaša e mažon;
Apēna kē l tēmp dé n pū sū sū per Frara,
Lasciā chi nós salvan la fūrchia e palaton,
La stala e dùt cant chiēz kē va zēnza para,
E sen piava sū vérs Crepácia e vérs l Gran Pré,
66 Da dùt' per só bon temperamēt dēr laldé.

Dī sūn la mont dē Frara inscí a vivū l salvan,
Da piē, da gran amé e bēgn odū a vign' ora;
Mò na insciūda, can k'an odóva dùt menan,
Kirin dē ban nós pūr salvan tért e adóra;

Da kël momënt incà nē n'èl plù mai sté odù,
72 Mò n rù tlamen „l Salvan“ chiamó iló al dí da incù.

XI. La Sëra.

Con só bèl son d'argënt tlér la chiampana
La fin del dí nonziëia a païs e campagna;
Gran e pië, dùt', patrons, la gënt meşana,
Kë tan dùt l dí dë gran fadia l soiùs bagna,
Tól jù l chiapël e con devozion grana
Salùda la òma santa, kë gian stagna
Les gran ferides dë gënt tormentada,
8 Da gran fadis e gran mai vižitada,

L laúr lasci l rī, a Maria l'ofërta fata,
Dá libertè a les bèsties bëgn straciades;
Dùt', bëgn kë stanc', s'abini tē na pata,
Les ëles bèl tra d'ëles abraciades;
— Gonót valeùna pé da i vië dùt mata —;
Na bèla chiantia spó chianti a ūz alzades,
K'ël renderës da les monts indorades
16 E da les pizes 'nkina al cīl alzades.

Col' ūr bèl tòc les vachies bëgn pasciùdes
Sen vëgn a chiaşa, stlinghinan bronşines
E chiampanëles tléres o sfenùdes,
Pasa dlon brian per valz e per colines;
Inënter it con módes conesciùdes
Pici vidī, quért' dë pantan, d'odlines,
Petan del cū dó sù, briëia, scrichia e salta,
24 Kë da les pëgnes l'èga stlùta ma alta.

Dë bīsces n pastorëč, fōsces e blanchies,
Arbandoná i crëp, basa a la planùra,
Pasa a bèl tlap magīres, chi paranchies,
Salùda, gnan a frida, val tlesùra,

— Bon şegn segù, k'èles n'è masa stanchies —;
Val rì bagót' sè mèt a la tortùra,
Sè dá, k'èl è n spavènt a odèi, tociades
32 Zënza skivè les búrtes sangonades.

Dai crèp dè Pùz les chiòres vègn, les fines,
Salta, sè vèrò sù alt, longies, indobliades,
Sè dá con reverènzies salvergines
Da bèsties mates dè búrtes cornades,
Sbalza golòşes sùra mürz, antines,
Rotan tè pra, tè chiamp les flşs robades,
Nè a blastemons nè a crist' metan a vèrda,
40 Kè tira, plègn dè soiùs Martin kè vèrda.

I crèp dè santa Crùş, la gran Varèla,
Dè nêi dagnòra quèrta la Tofána,
Dè Lagaciò i bī crèp con gran forcèla,
Del rī Sotsas la piza alzada e grana,
Depènt' scèc ór da man maèstra e morjèla,
Con maèstè l país dè Pèra Marişana,
Boá, dè Crespèna i ligri crèp salùda,
48 Sasòngher l sério e Colfòsc, la planùda.

Ki pici pic', i bī finc' l chianté lascia;
Chi les skirlates da la còda longia
Kīr sù só albérc sù i bī pèc sòt val dascia;
Mò la òlp bègn falza şegn sùa mùsa slongia,
Lascian la tana e sù pici, kè rascia
E mórd adum dūt cant chièz k'i rùa dlongia;
L dūlè con scior bür salvar sè lamènta,
56 Per kēs gonót val vèdla sè tormènta,

X. La Cortina dè Colfòsc.

La noet con ares fòsces è revada,
Con vènt leşir dai crèp alt' èla gnùda.

E á paré a chiaşa dût con bèla squada;
Del bèl sorèdl la flama sê destûda,
Sûl firmamënt è n'atra lûm impiada,
La lûna sêria, kê só mon salûda,
Só mon d'i mórt', kê tē cortina palsa,
8 Da olá kê mai plû vèi revegni n'alsa.

Trés e trés dôrmî iló n son tē sūs fôses,
Kê sê léa gôbes, longies da la téra;
Brêies cater, frades chi kêles, pûc grôses,
Fôrma só lêt; dagnôra péz, mai véra!
Desmentîe âi dûtes dē keş mon les côses,
Nê pēnsa ai vis, kê riat' sê séra e zéra;
Frêit' êşi iló, d'ormons spēişa d'licata,
16 Chiamó gonót maledis da gēnt mata.

Del vënt l sôfl frêsc sù la doman nê sēnti,
D'i pici flinc' l bèl chianté plû nê n'alî,
L lîgher chianté del gial iló desmēntî,
Del cór dē lēgn l son, aldî lonč bēgn scialdi,
Plû n'i descēda dal son mai plû, oh cēnti!
Pró frogoré, dó l laúr, plû nê sē scialdi;
Sù pici mitons gramz, nodris con pēna,
24 Plû n'i aspēta sùn antoré per cēna.

Mò dē keş mon ôs gran', alzá a fortûna
Zēnza merit, zēnza virtú sfadiôşa,
Dē desprigè la gēnt, kê dôrm iló a ûna,
Stravardès! Azion fôssel spaventôşa!
Tra i trocè ilominēia iló fôş la lûna,
Kê con onòr plû k'atri e man gloriôşa
L scétro peşóc ès porté dē monarca
32 E a pórt segû mené l pópol sùn barca.